



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Anno MDXL. Soc. confirmatæ 1.

urn:nbn:de:hbz:466:1-42840

et os cohortaretur, ut religiosam ad sacrificium appa-
 rationem, & quicquid primitiarum nomine voca-
 ri solet, illi agro primitiarum, DEI Matri, & per hanc
 DEI, ac MARIAE Filio, & per hunc Patri offerrent;
 inde prospera accepturi. Quicquid ergo in diuinis
 aut humanis primum eoque gratius est, MARIAE
 amori, & per hanc DEI honori, sacrum esto. In
 apparatione ad sacrificandum, nec pietati parendum,
 nec tempori, nec omittenda Deiparæ nos pro Filio
 præparaturæ augusta & pia reuerentia. Id Ignatius
 pro primo sacro, ut apud illam apparatè ageret, anni
 ferè vnius interuallum impendit, quò per illam ad Fi-
 lium haberet accessum. Nec abs re fuerit, diuino
 sacrificio, vel etiam Synaxi, se per B. Virginem cum
 Ignatio parare, per illam accessum petere, per illam
 cum Ignatio introire ad altare DEI, & cum Bernar-
 do meditatè pronunciare verba illa: *Per te accessum*
habeamus ad Filium, ò benedicta inuentrix gratia, Ge-
nitrix vite, Mater saluis, ut per te nos suscipiat qui per
te datus est nobis.

S. de Adv.
in huc.

ANNO MDXL. Soc. confirmatæ 1.

35 S. Franciscus Xaverius missu Ignatij, seu Sum-
 mi Pontificis, in Indiam ad grandia illa patranda
 profecturus 21. Martij Laureti DEI Matrem religio-
 sè inuisit: in sacrosancto illo sanctuario diuino sa-
 crificio est operatus: Legatum, & socios itineris
 diuino Sacramento muniuit: & vbi ex MARIA Ver-
 bum caro factum fuerat, ibi ad eiusdem verbi semen-
 tem longè lateque proferendam, & ad aspera tole-
 randa flagrantiam nouosque ardores concepit. No-
 luit id ille insalutatâ MARIA DEI Matre aggredi; qui
 tamen postea, ut per iter Matrem suam, cum propè
 abesset, inuiseret, licèt tam procul profecturus, ad-
 duci non potuit. Benè tanti momenti negotium

Dum ma-
gna ag-
gredimur,
Deiparâ
adire.

au-

3. 2. in die
Pent.

auspiciatō à Deipara voluit inchoare : *Ad quam, ut ait S. Bernardus, sicut ad medium, sicut ad arcam DEI, sicut ad negotium seculorum respiciunt, & qui in celo habitant, & qui in inferno, & qui nos præcesserunt, & nos qui sumus, & qui sequentur, & nati natorum, & qui nascentur ab illis.* Benè itaque Xaverius illius ope aggredi voluit iter Indicum, acturus in India negotium animarum, id est negotium æternitatis, siue omnium seculorum.

Socios ha-
bere Dei
Matri
valdè ad-
dictos.

36. P. Simon Rodriquez vnus è primis illis & verè MARIANIS Societatis IESU decemuiris, calamo testatum reliquit, quòd cum Societas esset concepta, in domo Matris DEI die dierum Deiparæ celebratissimo, Patres primi voluntariâ omnium animorum consensione illam in Matrem Protectricemque delegerint, adeòque vnâ secum suas spes in manu illius deposuerint; benè sperantes de illius ope ad prosperos rerum pro eius Filij gloriâ susceptarum successus. De appensis ad collum rosarijs, velut tesseris Marianis, per iter infestum militibus, atque hæreticis, dixi. Nobis restat vetus illud: *Hac proceres iuere py.* Omnes Ignatij Socij fuere Deiparæ enixè addicti. Hoc ipsum amoris veri est indicium erga Deiparam, velle vt illam etiam illi enixè ament quos amas. Hæc est verè amicitia usque ad aras, quod ait prouerbium. Nam Deipara verè ara est purior Pythagoricâ illâ arâ immaculatâ: *Huc tandem concede: hæc ara tuebitur omnes.* Ara est MARIA, quæ te, omnesque socios tuos, & amicos tuebitur. In hac ara omnis nostræ amicitie sequestra, dedicanda sunt amicorum omnium corda DEO auctori omnis Societatis, & amicitie immortalis, olim perficiendæ in celo.

Virgil.
Æncid. l. 2.

37. Nascbatur Romæ Societas incertâ sede,
ho-

hospes ac tecto carens haetenus : tandem in salubri & celebri Urbis loco , non sine admiratione multorum , ad S. *MARIAE de strada* (quod *viam* sonat) recepta est ; quasi obuia *DEI* Matris primam Societati IESV hoc anno à Paulo III. confirmatae sedem , seu veluti primas cunas , maternâ curâ offerentis , complexu solido ac tenero ; quem nunc etiam experimur in diuinâ huius Matris familias Domo habitantes ; vbi verè sicut lætantium omnium nostrum habitatio est in te , Sancta *DEI* Genitrix . Antiqua illa Deiparæ imago etiamnum angustè colitur in Sacello templi IESV , & nostris adnitentibus æri incisa circumfertur ad propagandam Deiparæ venerationem : in cuius medio ipsa cum paruulo IESV Deipara est , & circa illam hinc atque inde SS. Patres Ignatius atq; auerius , cum hac epigraphe : *S. MARIAE de Strada quæ in templo Farnesiano nominis IESV colitur vera effigies , ante quam S. Ignatius S. I. Fund. & eius Socij sacrum sapius fecerunt .* Quapropter ipsa Domus nos admonet , vt in Societate ita nos habeamus quemadmodum decet bonæ mentis ac indolis filium in Matris cubiculo , sinu , oculis habitantem : vt quemadmodum nos illa domo suâ dignata est de strada seu via ; ita eadem admittente , in ea domo in qua verè lætantium habitatio est , vnâ cum illa habitemus in patria , in triumphante Societate IESV . Anno deinde 1544. etiam domum ipsam ædi Marianæ iunctam ingressus est cum suis Ignatius . Tybure quoque anno 1546. prima Societati ingredienti ædes S. *MARIAE à passu* donata est , vt Romæ à *via* , ita hîc à *passu* dicta ; vt nobis data Virgo , nostros passus in *via* , & itineribus æternitatis prosperè sospita ubique dirigeret , ac singulos nostros *passus* diuinæ gloriæ offerret . Sic habitamus in adiutorio altissimi ,

Inter bonos degerere vt in Domo Matris Dei .

in

Apud Ray-
naud. in
Nomencl.

S. 3. in Adv.

in protectione DEI cæli commoramur in domo
MARIÆ quæ Græcis dicitur *Domus sanctitatis*.
S. Bern. *Virgo regia ipsa est via per quam Saluator ad-
uenit. Tenentes ergo viam, studeamus & nos, dilectissimi,
ad ipsum per eam ascendere, qui per ipsam ad nos descen-
dit; per eam venire in gratiam ipsius, qui per eam in no-
stram miseriam venit.*

ANNO MDXLI. Soc. II.

Se, ac
suos illi
sistere, ut
filios.

38 Anno 1541. 19. Aprilis vniuersæ Societati
ritè Præpositus inuitus, licèt nequicquam, Ignatius
feriâ sextâ post Pascha, omnibus in proximam 6.
feriam, id est 22. Aprilis diem indixit, vt vnâ secum
septem sanctissima Urbis templa inuiserent. Præ-
stituto ergò die, itum ad S. Pauli extra muros, vbi
coram ea quæ istic etiamnum religiosè monstratur,
& colitur MARIÆ IESVM sinu complexæ imagine,
fufis socijs omnibus in genua, Ignatius, coram
SS. Eucharistiæ Sacramento (quod ibi tunc asserua-
batur) diuino sacrificio pro arâ Virginis religiosè
operatus, cùm se ad sumendum SS. Sacramentum
pro more sacrificij disponderet, prius conuersus ad
socios, & prouolutus in genua, læuâ descriptam
professionis formulam, dextrâ verò sanctam in pa-
tena proferens hostiam, primus vota sua quatuor
clarâ voce prænunciat, collachrymante illâ coronâ
toto corde coram DEI Matre prostratâ nouæ So-
cietatis IESV familiæ: *Ego Ignatius, &c. coram eius
Virgine Matre, &c. quæ Ioannes Codurius post Ignatium
primus Sacramento pronunciauit; & constitu-
tionum parti quintæ, c. 3. inseruit, ad perpetuam
eius authoramenti formam seruandam Ignatius.*
Tum templa reliqua mirabili Patrum voluptate
visitata, & inter hæc S. MARIÆ MAIORIS ad Niues,
dilectus Ignatio locus; vbi quemadmodum se pri-
mum